



ՆՈՐԻՆ ՍՈՒՐԲ ՕԺՈՒԹՅՈՒՆ Տ. Տ. ՎԱՋԳԵՆ Ե ԿԱԹՈՂԻԿՈՍԻ ԵՑՑԵԼՈՒԹՅՈՒՆԸ ՄՈՒՂՆՈՒ ՍՈՒՐԲ ԳԵՎՈՐԳ ՎԱՆՔԻՆ

Նորին Ս. Օծուխյուն Վեհափառ Հայրապետը փետրվարի 17-ին մեկնեց Աշտարակի շրջանը՝ Մուղնու Ս. Գևորգ վանքը այցելելու համար։ Նորին Վեհափառության ընկերակցում էին Հոգևոր Ճեմարանի վերատեսուչ գերաշնորհ Տ. Հայկազուն եպիսկոպոս Աբրահամյանը, Արարատյան թեմի առաջնորդական փոխանորդ հոգեշնորհ Տ. Վահան վարդապետ Գալամդարյանը և գավազանակիր հոգեշնորհ Տ. Մեսրոպ վարդապետ Անթաբյանը։

Էջմիածնից դեպի Մուղնու Ս. Գևորգ վանքը տանող ճանապարհը անցնում է Օշականի և Աշտարակի միջով։ Առաջին անգամ ինքնաշարժը կանգ է առնում Օշականում։ Վեհափառ Հայրապետը ուխտի է եկել Ս. Մեսրոպի, մեծ Օշականցու, հայ ժողովրդի ամենապաշտելի դավակի շիրմին։ Եկեղեցու դռները բացվում են, երկյուղածությամբ ներս է մտնում Վեհափառ Հայրապետը։ Մինչ այդ, ժողովրդի բազմությունը սկսում է արագորեն հավաքվել ու խտանալ եկեղեցու մեջ։ Վեհափառ Հայրապետը իջնում է Մեծ Վարդապետի շիրմը տանող սանդուղքներով և իր հայրապետական երախտագետ համբույրը դրոշմում մարմարյա շիրմաքարի վրա։ Նույնն են անում Նորին Վեհափառության ընկերակցող հոգևոր հայրերը։ Ո՞վ գիտի ինչպիսի՜ խորունկ խոկումներ ու մտորումներ էր ապրում այդ պահին Վեհափառ Հայրապետը, բայց և այնպես պարզ էր այդքանը, որ այդ մեծ Սուրբի և հանճարեղ

վարդապետի համար փոքր ու անշուք էր այդ գերեզմանը, և նա տեղվույն վրա իսկ հայտնեց իր հիանալի ծրագրի մասին, այդ պատմական շիրմը արժանի շուքի և վեհության մեջ պահելու համար։ Դուրս գալիս Նորին Ս. Օծուխյունը իր առաջ գտավ հավատացյալների ստվար բազմություն։ Վեհափառ Հայրապետի հայրական և անմիջական մի քանի հարցերին ներկաները սրտի անհուն գոհունակությամբ պատասխանեցին և ապա սկսեցին համբուրել նրա Ս. Աջը։

Ս. Մեսրոպի համբուրելի շիրմից և օշականցիներից հրաժեշտ առնելուց հետո, Նորին Վեհափառությունը մեկնեց Մուղնու, ժողովրդական խանդավառ ցույցերի մեջ, ինքնաշարժն անցավ Աշտարակի միջով։ Տեղի եկեղեցու այցելությունը հետաձգվեց վերադարձին։ Աշտարակից ոչ հեռու, զովասուն և գեղեցիկ բարձրության վրա, ծնրադիր աղոթող հայ վանականի նման խորհրդով ու վեհությամբ օծուն, երևում է Մուղնու Ս. Գևորգ վանքը։ Ինքնաշարժը կանգ է առնում վանքի բակում, Վեհափառ Հայրապետն իր շքախմբով ուղևորվում է դեպի վանք։ Հայ շինականները ամեն կողմից ուրախ ու հրճվալից ժպիտով շրջապատում են Վեհափառ Հայրապետին։ Չնայած այն բանի, որ նրանց ոչինչ էր հայտնված Վեհափառ Հայրապետի այցելության մասին, այդ փոքրիկ գյուղի բնակիչ-





ՎԵՀԱՓԱՌ ՀԱՅՐԱՊԵՏԸ ՕՇԱԿԱՆԻ ՆԿԵՂՆՑՈՒ ԱՌԱՋ



ՎԵՀԱՓԱՌ ՀԱՅՐԱՊԵՏԸ ԱՇՏԱՐԱՆԻ ՆԿԵՂՆՑՈՒ ԱՌԱՋ

ները ստվար բազմություն կազմեցին և վանքը լցվեց հավատացյալներով:

Վեհափառ Հայրապետը, հանգամանորեն ծանոթանալուց հետո վանքի ճարտարապետական առանձնահատկություններին, ճարտար և գեղեցիկ ագուցումներին և կառույցների վեհությունն ու վանքի ընդհանուր վիճակին, հավաքված հավատացյալներին դառնալով տվեց իր հայրական օրհնություններն ու Ս. էջմիածնի ողջույնները, հորդորելով վաս-

տության համար՝ պատրաստված էր թողորմին պատահաբար: Չնայած, որ աշտարակցիք ևս նախապես չգիտեին Վեհափառ Հայրապետի այցելության մասին, քանի որ այդ այցելությունը ձեռնարկված էր Մուղնու Ս. Գևորգ վանքը տեսնելու համար, բայց բավական էր եղած, որ Աշտարակից անցնելիս նկատվել էր Վեհափառ Հայրապետի ինքնաշարժը, որպեսզի այսքան հավատացյալներ հավաքվեին եկեղեցում:



ՎԵՀԱՓԱՌ ՀԱՅՐԱՊԵՏԸ ՄՈՒԼՆՈՒ Ս. ԳԵՎՈՐԳ ԵԿԵՂԵՑՈՒ ԱՌԱՋ

ու կենդանի պահել հայ հավատը իրենց սրբ-տերում և միշտ հավատարիմ մնալ մեր հնամ-յա ավանդներին և սրբություններին: Վեհափառ Հայրապետի խոսքը հաճախ ընդմիջվում էր «փառավորվե՛ս», «երջանի՛կ մնա՛ս», «երկա՛ր ապրե՛ս» բարեմաղթություններով: Այս անակնկալ և սրտառուչ այցը Մուղնու Ս. Գե-վորգ հրաշալի վանքին և հանդիպումը հավատացյալների հետ վերջանում է աջահա-րույրով և հուզիչ հրաժեշտով:

Վերադարձին, Աշտարակի զառիվայրը իջ-նելիս, ինքնաշարժի միջից տեսանելի էր Աշ-տարակի Ս. Աստվածածին եկեղեցին և բա-կում հավաքված ահագին բազմությունը: Խանդավառ ծափահարությունների տակ ինք-նաշարժը կանգ է առնում եկեղեցու բակում: Այս գեղեցիկ անակնկալը Նորին Վեհափա-

նորին Վեհափառությունը մտնում է եկեղե-ցի, մատուցում իր սուրբ աղոթքը: Հանուն հավատացյալների, Արարատյան թեմի առաջ-նորդական փոխանորդ հոգեշնորհ Ս. Վահան վարդապետ Գլադդարյանը ողջունում է Վեհափառ Հայրապետի անակնկալ, բայց խորապես հուզիչ այցելությունը, արտահայ-տելով հավատացյալների խորին հույզերն ու զգացումները՝ Հայ Եկեղեցու, Ս. էջմիածնի և Վեհափառ Հայրապետի նկատմամբ, բարե-մաղթում Նորին Ս. Օծուկյան երկար և արևա-շատ կյանք՝ ի շինություն Հայ Եկեղեցու և ի մխիթարություն հայ հավատացյալների:

Ապա ողջույնի իր հուզիչ խոսքն է ասում Աշտարակի եկեղեցու քահանա, արժանապա-տիվ Ս. Գևորգ Փափազյանը:

Այնուհետև իր հայրապետական օրհնութիւններն ու շերմագին ողջույնները հաղորդելով ներկա հավատացյալ բազմութեանը, Վեհափառ Հայրապետն իր խոսքի մեջ սըրտագին գոհունակութիւն հայտնեց այս անակնալ, սակայն հուզումնալից ընդունելութեան համար: Նորին Վեհափառութիւնը միաժամանակ հորդորեց բոլոր ներկաներին՝ հաստատուն մնալ իրենց պապերի հավատի վրա, հավատարիմ մնալ ազգային ավանդութիւններին ու սովորութիւններին և իրենց անձնվեր ու շինարար աշխատանքով սատարել Մայր Հայրենիքի վերելքին և մեր ժողովրդի բարօրութեան մեծ գործին: Իր խոսքի վերջում, նորին Ս. Օծութիւնը լավագոյն հաջողութիւններ մաղթեց նրանց և իր օծյալ Ս. Աջով օրհնելով բոլորին, հրաժեշտ առավ աշտարակցիներէից: Մինչ այդ որոտացին ծափահարութիւնները, եղան լավագոյն բարե-

մաղթութիւններ և օդի մեջ թափահարվեցին աղաւնիների ձյունանման թևերը:

Ամենուրեք հայ մարդը գրանիտյա ամրութիւամբ պահում է և պահպանում իր անխառն հավատարմութիւնը դեպի Հայ Եկեղեցին, Մայր Աթոռ Ս. Էջմիածինը և Ամենայն Հայոց Հայրապետութիւնը: Թո՛ղ Աստված միշտ օգնական լինի այդ հավատարմութեան առավել խորացման և անսասանութեան:

Վեհափառ Հայրապետն իր ջրախմբով վերադարձավ Մայր Աթոռ երեկոյան ժամը 4-ին լավագոյն տպավորութիւններով՝ իր այս ոչ պաշտոնական այցելութիւնից:

Թո՛ղ Աստված միշտ զորավիգ լինի մեր ժողովրդանվեր և հավատավոր սիրելի Վեհափառ Հայրապետին:

ՄԵՍՐՈՊ ՎԱՐԴԱՊԵՏ ԱՆԹԱՅԱՆ

